


 Strada di Pré de gejia, 2 - 38036 **San Giovanni di Fassa – Sèn Jan** (Trento/Trent)

Tel. 0462.764500

stampa@cgf.tn.it

Prot. N. 1669

San Giovanni di Fassa – Sèn Jan, 07/04/2026

COMUNICATO STAMPA
Emergenza prima casa in Val di Fassa: parte l'indagine conoscitiva del Comun General de Fascia sul fabbisogno abitativo

Il tema del diritto all'abitare è una delle priorità che la nuova amministrazione del Comun General de Fascia ha intenzione di affrontare. L'esigenza abitativa in Val di Fassa, infatti, diventa anno dopo anno sempre più marcata ed evidente, in particolare tra le generazioni più giovani. La difficoltà nel reperire alloggi a prezzi accessibili non è solo un problema individuale, ma una questione che investe l'intera comunità. Senza case la Valle rischia di perdere i suoi giovani, i lavoratori essenziali e la propria identità.

Di fronte a tale contesto sociale ed economico, Il Comun General intende promuovere un'**indagine conoscitiva online** rivolta a tutta la cittadinanza. L'obiettivo è quello di riuscire a definire, mediante i dati raccolti, le reali necessità e le aspettative di chi vive o vorrebbe vivere in Valle, in modo da promuovere e adottare nuove **iniziative e politiche più concrete ed efficaci**.

"Per arginare questo fenomeno" sostiene il **Procurador del Comun General Edoardo Felicetti**, "è indispensabile capire meglio quali siano le esigenze reali degli interessati. Non possiamo pianificare il futuro senza ascoltare chi quel futuro deve costruirlo qui." L'indagine si svolge attraverso varie domande alle quali è possibile rispondere **online in forma anonima**. La partecipazione dei cittadini è fondamentale per dare forza alle richieste del territorio e orientare i prossimi interventi istituzionali.

- **Modalità:** Indagine digitale.
- **Destinatari:** Residenti, lavoratori stagionali, giovani in cerca di

COMUNICAT STAMPA
L besegn de la pruma cèsa te Fascia: pea via la enrescida del Comun General de Fascia per saer miec l besegn de la pruma cèsa

La costion del derit a aer na cèsa l é una de la prioritèdes che la neva aministrazion del Comun General de Fascia l'à intenzion de se tor a cher. L besegn de cèsa te Fascia l doventa an do an semper più grief e più sentù, soraldut anter la generazions più joenes. Troèr cartieres a n priesc da poder se permeter l é dassen rie e chest no l é demò n problem individuèl, ma na costion che la tocia duta la comunanza. Zenza cèsa la Val la risia de perder si joegn, i lurieranc che i laora te si pajes e ence sia identità.

Tedant da chest contest sozièl e economic, l Comun General l vel meter a jir na **enrescida online** outa a duta la jent de Fascia. L obietif, de gra ai dac biné su, l é chel de ruèr a lurèr fora e meter ensema al miec i besegnes e la spetadives che dassen à e sent chi che vif o volessa viver te val, a na moda da portèr inant e meter en esser **neva scomenzadives e politiches più concretes e percacentes**.

"Per ge fèr front a chest fenomen" disc l **Procurador del Comun General Edoardo Felicetti**, "l é debesegn capir miec coluns che l é i besegnes reèi di enteressé. No podon pianifichèr l davegnir senza scutèr chi che cogn e vel se costruir l davegnir chiò". La enrescida la vegn fata trèdes desvaliva **domanes online** olache se pel responer **zenza obligh de meter dant l inom**. La partezipazion di sentadins la é de gran emportanza per ge dèr forza a la domanes del teritorie e per saer co meter a jir i intervenc istituzionèi da chiò inant.

- **Modalità:** Enrescida digitèla.
- **Destinatères:** Resident, lurieranc de sajón, joegn che chier na vita

autonomia e chiunque abbia un interesse abitativo in Val di Fassa.

- **Appello:** Si invita la cittadinanza non solo a rispondere, ma a farsi parte attiva inoltrando il link a conoscenti, amici e colleghi che si trovano in una situazione di necessità abitativa.

Riccardo Zanoner

Link indagine:

<https://forms.gle/uJ2jdQr9MrUQvTuG9>

Per informazioni: tecnico@cgf.tn.it
0462 764500 - opz. 3

autonoma e duc chi che i à enteres a se enjignèr na cèsa te Fascia.

- **Apel:** Envion duc i sentadins no demò a responer, ma ence a se fèr pèrt ativa col manèr inant l link a chi che i cognosc, amisc e coleghes che i se troa te na situazion de besegn de pruma cèsa.

Riccardo Zanoner

Link de enrescida:

<https://forms.gle/uJ2jdQr9MrUQvTuG9>

Per informazions: tecnico@cgf.tn.it
0462 764500 - opz. 3

Stampa e comunicazione(e):

stampa@cgf.tn.it

U.O. Servizi linguistici e culturali / Servijes linguistics e culturèi

Ciasa de la Moniaria

Strada de la Pieif, 1 - San Giovanni di Fassa – Sèn Jan (TN)

Tel. (+39) 0462 764500 - opz. 4